

22 febrúar 2016 kl 18:00

Fundur nr.3 í aðalstjórnar Vestra, íþróttafélags.

Mættir eru; Hjalti Karlsson, Sólrún Geirsdóttir, Guðfinna Hreiðarsdóttir; Gísli Jón Hjaltason, Jón Páll Hreinsson og Sigurður Jón Hreinsson.

Gengið til boðaðar dagskrár.

1. Vallarhúsið.

Formaður greindi frá fundi sem hann sat á í morgun fyrir hönd Vestra. Á fundinum kom fram að bærinn sér fyrir sér að félagið taki yfir rekstur hússins, þrif og annað. Þau skilyrði sem bærinn kemur væntanlega til með að hafa, er að önnur félög hafi áfram aðgengi að húsinu, í sama tilgangi og Vestri. Málið er enn á frumstigi og verður unnið áfram.

Það verður ekki útilokað á þessu stigi að æfingaraðstaða verði áfram í húsinu og gætum við vel látið það falla vel saman.

Fara þarf í talsverðar endurbætur á húsinu, hvað svo sem verður.

Framtíðarsýn fyrir félagið þarf að hafa pláss fyrir styrktaræfingar fyrir iðkendur og það kann að fara vel saman að hafa þá aðstöðu áfram í Vallarhúsinu.

En við þurfum að taka samtal við allar deildir og sjá hvað þær sjá fyrir sér í framtíðinni.

2. Reglur um skiptingu styrkja

Hjalti og Siggi hafa kastað tillögu að reglugerð á milli sín sem tekur á aðeins víðara sviði, og kallast starfsreglur stjórnar. Drögin lögð fram til að rúlla boltanum áfram. Reglugerðin er reyndar mjög mögur ennþá og það þarf að bæta talsverðu kjöti utan á þessa beinagrind. Drögin verða sett inn á svæði stjórnar á FB og eru stjórnarmenn beðnir að kynna sér málið vel.

3. Búningar.

Hjalti varpaði fram sinni sýn, langröndótt ljósblátt og hvítt, eða grænt og hvítt.

Fram kom hugmynd um að opna FB síðu Vestra og reyna að koma að kynningu þar á þessari hugmyndavinnu. Tekið vel í það og Sólrúnu falið að stofna vegginn.

4. Merkjamálið.

Ákveðið var að tala við og fá tvær tillögur frá eftirtöldum:

Gunnar Bjarni

Guðjón Davíð

Gunnar Jónsson

Birgir Sigurjónsson

Stjórnarmönnum jafnframt falið að finna amk tvo kvenmenn sem eru starfandi í grafískri hönnun, á svæðinu. Óheppilegur kynjahalli verður á keppninni ef eingöngu áðurtaldir einstaklingar taka þátt.

Hverjum og einum hönnuði falið að koma með eina tillögu að eigin vali. Jafnframt skal hver koma með eina tillögu sem tengist upphafsstaf nafnsins eða staðsetningunni.

Fundarritari sjh

Fundi slitið kl 19:20